

ფანოს ფანძი

ლიტერატურა,
ხელოვნება,
პრიტიკა.




ფასი 10 კ. 1918

№ 1.

შოთა რუსთაველი.

მ. და ბ. ჯაფარიძენი.



ტბაზე.

ს. აბაშელი.

თვალ-დაჩრდილულ მძინარ ღამეს მთვარე უხსნის ვერცხლის ღილებს.
 ცის გუმბათი მოუქარგავს ვარსკვლავების თეთრ ყვავილებს.
 ჰაერს სძინავს. უძრავ ფოთლებს სიო კოცნით დაკვდომია,
 მთა ყურს უგდებს ვარსკვლავთ ჩურჩულს,—მღუმარ ფიქრით ცას სწვდომია.
 მიწა სიზმარს მოუხიბლავს, ცამ არ იცის რა დრო არის,—
 ჟამის ისარს ჰფარავს ცაზე ვერცხლის რიდე სავსე მთვარის.
 ტბა მთვლემავი სარკის მკერდზე აკაშკაშებს ღამის სამოსს,
 წყლით ანასხლევტ შუქის მარმარს მოკრძალებით ჰფენს მიდამოს...

ნავი დადგა... და ნიჩაბი ატივტივდა მძინარ ტბაზე,
 დამფრთხალ ტალღებს გაეღვიძა მცურავ ნიჩაბის რხევის ხმაზე.
 მეგობარო! ნავი დადგა, მე ნიჩაბი ტალღებს მივე,
 ნუ შეგაკრთობს ცელქი ზვირთი, მთვარის შუქზე მოლივლივე.
 შენი სახე სხივ-გაშლილი ცის ჩვენებას ედარება!
 სულს მოესხა შვების ფრთები, გულმა იგრძნო ნეტარება!
 საუკუნო ჟამთა სრბოლას მოსწყდა წამის ნაკადული,—
 ამ წამშია სიყვარულის საიდუმლო დაფარული!
 ყური უგდე ტბის სარკეზე მთვარის სხივთა უცხო ჟღერას,
 ყური უგდე შენს ნორჩ მკერდ ქვეშ გაჩქარებულ გულის ძვერას,—
 და მიენდე ტრფობის ჰიმნსა,—ცეცხლად გიქცევს გრძნობის ტკივილს,
 უტყვი ღამე შეინახავს შევებით მორთოლავ სულის კივილს!..

...გრძნებით სავსე ღამის სახე შენს თვლებში ჩამარხულა:
 ჰა, ცის კიდე და ტყის პირი, ჰა მთის თხემზე ღრუბლის ქულა!
 თვალ-დაჩრდილულ ღამის ასულს, ვხედავ, მთვარე უხსნის ღილებს,
 ცის გუმბათი მოუქარგავს ვარსკვლავების თეთრ ყვავილებს.
 შენს თვლებში ტბა იცინის, შიგ ვსკვრეტ ძეწნას თავდახრილსა,
 ელვად ვსახავ შიგ გამომკრთალ წამწამებით ნაფრქვევ ჩრდილსა,
 ვხედავ: ნაპირს ქოლგად ჰხურავს ფარფატ ნისლის თეთრი ტილო
 და მთვარის შუქს ათამაშებს ტბის მორთოლავი მარმარილო!..

ნ. აბაშელი

მაისის დილა ხარობდა.

3. რუხაძე.

მაისის დილა ხარობდა.
 ფოთოლს კოცნიდა ფოთოლი...
 ზამბახს ყურებზე ეკიდა
 მარგალიტები ობოლი.

მთის ქოჩორ მზის სხივები
 დაქათათებდნ ტრფობითა...
 და მოხიბლული ბულბულიც
 ტპილათ გალობდა გრძობითა.

სმენათ ქცეული მგოსანი
 ხელში ლამაზი ჩანგითა,
 ყურსა უგდებდა, ამბობდა,
 ტყვეთ ქმნილი უცხო ჰანგითა:

„ჩიტო! გიხდება ქიკიკი,
 ტპილი გალობა გშვენისო;
 ეგ საიდუილო ნეტავი
 ვიცოდე შენი ვნისო.“

მეც შენებრ ავკიკიკედები,
 ერის ბალს დავამშვენებო;
 დაცემულს აღვაფრთოვანებ
 და ფეხზე ავაყენებო!

წინ წაუძღვები გალობით
 სამოთხის დასახსნელადო,
 დღეს რომ აესულსა უპყრია,
 გვეცახის: „მოდი შველადო!“

3. რუხაძე

შობა ჰანგისა.

იასაშანი.

მძიმე რამ ჰანგი აღმოხდა გულსა,—
 ეხლა ამშვენებს ჩემსა რვეულსა...
 შეყვარებულის კენესა ბულბულის,
 პასუხათ ქარზე შიშინი ტყისა,
 მუნჯური ენა მინდვრის ყვავილთა
 და გარიჟრაჟზე ციალი მზისა,
 ქარი, გრიგალი, ზღვა, ქარიშხალი,
 ღრუბელი, ქვიშა, ბარი, სუდარა,
 ციხე, ჯაჭვები, ლოდნი, საფლაენი,
 ბასრი მახვილი, წყველა—მუქარა, —
 ჯერ შეუმწნეველათ გაჰყვა გრძობასა,
 გონების ფონზე გამოიხატა,
 კვალ და-კვალ სდია შეთანხმებულათ,
 შემდეგ გადიდდა,

შემდეგ იმატა—
 და დაიწერა...
 მოეშვა გულსა:
 სიტყვა გიმოვსთქვი სწორი და წრფელი...
 მწვავე რომ იყო შობა ჰანგისა —
 თან ნეტარება აუწერელი.

შუშა

1913 წ. აპრილი.

იასაშანი

ქალი და ხელოვნება.

ბ. ტაბაძე.

ხავერდოვან მინდვრის ბალახს მობიბინე არხვეს ქარი, —
თითქო ალერსს ევედრება და ჩურჩული ისმის წყნარი...

მაგრამ მალე ქარტახილათ გადიქცევა ცელქი ქარი,
გაიტაცებს ობოლ ყვავილს სწრაფ-უმიზნო ნიაღვარი.

გატაცებულ მგოსნის ჰანგებს გაგიჟებით ისმენს ქალი
თითქო სურს რომ ამ ჰანგებში გარდაიქმნეს ძილ-გამკრთალი.

მაგრამ მალე ცელქი ქალი, ვით ყვავილებს თეთრი მტვერი, —
გაშორდება დალილ მგოსანს... მობეზრდება ყველაფერი.

მე მინახავს ყვავილებზე მონაგარდე თრთის პეპელა.
აშრობს და სკლის ყვავილის გულს ისე ნახათ, ისე ნელა.

მაგრამ მალე ყვავილის მტვერს კმაყოფილი მოსცილდება
ყვავილი სულს განუტეებს, პეპელა კი პეპლათ რჩება.

ასე მგოსნის წრფელ სიმღერას ქალის ნაზი სევდა ბურავს,
სულ ქალი სვამს ამ სიმღერას, სანამ მთლად არ ამოსწურავს

ამაშრობს გრძნობიერ გულს, საუკუნოთ მოსცილდება
სიმებს დასწყევტს საბრალო ქნარს და ქალი კი ქალად რჩება.

დავიღალე მე ამ ამბით... თქვენ მხატვრებო, თქვენც, მგოსნებო,
დავგრჩათ კიდევ ქალში რამე სანეტარო, საოცნებო?!

ბ. ტაბაძე

ნიმუშები გერმანიის ლიტერატურიდან.

ჰენრიხ ჰაინე.

ა. აბაშ-პირელი.

მე მას ვერა დროს ვერ დავივიწყებ,
ამას მოწმობენ თვით მალლა ცანი,
ვით მეკუთვნოდა მე ერთ ნეტარ დროს,
ეგ შენი სული და შენი ტანი.

* * *
მე გაგიყოფდი ჩემ საკუთარ სულს,
რა მომეკვროდა ეგ შენი მკერდი,
ერთსახეობათ გადვიქცეოდით,
რა ჩემ უკვდავ სულს შენ ჩამოგბერდი.

* * *
ტანი ლამაზი, ტანი უმწიკვლო,
კიდევ მინდოდა ერთხელ მენახა,
სული მე თვითონ საკმაო მქონდა,
სული თუ გინდა სულ დაგემარხა.

მოლხიდაუი.

ბაქარა პოემები პროზად.

ბ. ტაბიძე.

X.

პირველი სევდა.

...ერთხელ შემხედა მან, მხოლოდ ერთხელ იმ შეხედვით, რომელსაც ნაპოლეონი ცეცხლით მონათვლას უძახდა.

პირველად ვკითხე მაშინ სამშობლო ცას, სად წავიდა ჩემი ბავშობის ღხენა და პირველად დატოვა ცამ უპასუხოდ ჩემი კითხვა.

სად არ ვეძიე, სად, მე ის ღიმილი და ბოლოს დავრწმუნდი, რომ იგი არ განმეორდება, როგორც გვირგვინ მოხსნილი სიწმიდე.

...და ჩემ სულს ეწვია პირველი სევდა. პირველი სევდა, ბინდიანი, როგორც ოხვრა შუალამისას ლიბანის მთაზე კედრისა.

ნაღვლიანი, როგორც სიმღერა ყვითელი ქარვის ფოთლების შემოდგომის ქარიშხლის ფრთებზე მოცეკვავეთა...

მოწყენილი, როგორც წეროების უკანასკნელი ძახილი.

პირველად მამამ ამოიკითხა ჩემ თვალეში სევდა, როცა ქანდაკის ვთამაშობდით და მაშინ მივხვდი რომ წასული სევდამ მოქარვა და უხილავი ჯაჭვით გადაება მას მომავალი.

ჩემი სევდა მიაგავს სევდას ლეგენდის მოქანდაკისას, მარმალილოს რომ ენა ასწავლა ლ ბრინჯაოს სიყვარულის აღერსი მაგრამ ერთხელ რომ ძლიერ პირდაპირ შეხედა მზეს და შემდეგ მოჯადოებულს არ შეეძლო მარმალილოზე ნაგრძობის გადატანა და ამაში იყო ნათელი ტანჯვამისი სიცოცხლისა. ერთხელ შემხედა მან, მხოლოდ ერთხელ იმ შეხედვით, რომელსაც ნაპოლეონი ცეცხლით მონათვლას ეძახდა

პირველად ვკითხე მაშინ სამშობლო ცას სად წავიდა ჩემი ბავშობის ღხენა და პირველად დატოვა ცამ უპასუხოდ ჩემი კითხვა...

XI.

ყოფნის აღთქმა.

დაფიქრებულხართ როდისმე, რაზე მღერის ქარიშხალი შემოდგომის სუსხიან ღამეს, როცა დახურეთ დარბები, რომ არ გაიგონოთ მისი ქვირინი, მაგრამ მაინც გესმით სახლის სახურავზე გამხმარი ხეების ტოტების ცეკვა, რომელნიც ჯადოქარ-ქარიშხალს ფერხულში ჩაუბამს?..

დაფიქრებულხართ... გაიგეთ კიდევ, მაგრამ მაინც არ გინდათ რომ გაიგოთ, რადგან ის მღერის იმ ზვიად ველურ ვნებაზე, რომელთანაც ჩვენი ვნება ბავშობა გამოჩდება. და თქვენ გრცხვენიათ თქვენივე ბავშობისა.

ქარიშხლის სიმღერა გამოძახილია საუკუნოებში დაკარგული რომაელ სარდლის სიმღერისა, რომელიც მოგებულ ომის შემდეგ ფალერნის ღვინის თასსზე ანაკრონის სიმღერებს მღერის. აღერსის ლოდინში თრთის მხევალი და აქცევს ღვინოს... ქარიშხლის სიმღერა

გამოძახილია ომიდან დაბრუნებული ამორძლები სიმღერისა, რომელთა სისხლით დათქვი-
რულ ცხენებმა შაფრანის მთვარის სხივები მეწამულ ზეწარში გამოხვიეს.

ქარიშხალის სიმღერა—სუნთქვაა ცოდვის სარეცელზე ვნებით მთორვალე კლეოპატრასი
და ურიასტანის მიდამოებში დაკარგული სულამიტის საქმროს ძახილი...

დაუგდეთ ყური... განა არ გესმით...

შეგბნელ ღამეში, როგორ გულმწვავეთ უკივის იაზონს მედეა, იცის რომ შ რს არის
მაგრამ მაინც ეძახის, გული ვერ იტევს გრძნობის ნიაღვარს.. შეგბნელ ღამეში პონტოფ-
რეს ცოლი ელის ყრმა იოსებს ნილოსის ლერწმებში...

ქარიშხალი აცოცხლებს მითს... წასრულის ზვიადი ვნების სიზმრებით რომ დაათროს
ადამიანი

ქარიშხალის ველურ სიმღერაში შენახულია დიონისეს მისტერიები.

დაუგდეთ ყური ქარიშხალს!...

დაივიწყეთ, თქვენივე თავი, საკუთარი და სხვისი შებრალება დაივიწყეთ, ყველაფერი
და ყველაფერს გაიგებთ.

მწყემსის საღამურზე უფრო ნაზია, და მთით მომსკდარ ნიაღვარზე მრისხანე, ახალგაზ-
და ტანში სიცილი სისხლისა.

ღვინო გამოიღრია ფიალაში და სათნოება დაეტყო სულს.

ყინვამ უსწრო მთებში გაზაფხულის წინამორბედს, მაგრამ აივსო ღვინით ფიალა და გა-
ზაფხულის დღესაწაულზე გვეძახის წინასწარმეტყველი:

ევონ, ოვოე სიგიჟის მოციქულს; გავიხაროთ ჩვენთანაა იგი...,

ქ. ქუთაისი. მაისი, 1913 წ.

ქ. ქუთაისი

იყავით მარტო.

საჩ. კლდიაშვილი.

იყავით მარტო თუ გასურთ ამაღლდეთ და გა-
რემოს მწიკელმა და ტალახმა არ გააბინძუროს თქვენი
სიმშვენიერე... იყავით მარტო, ვით დაგვიანებული
იალქანი ბინდისას მოართული ლურჯ ზღვაზედ.

თქვენი თვალები ვერას იხილავენ ათას თვალ-
თა შორის, თუ არ სულის სიღრმეში... ჩაღრმავდით
და სინათლე დღისა მოიშორეთ სამუდამოთ, რომ
მის ავათმყოფობამ არ გადაგადგვთ უკუბრუნებელი
სენი...

ჩამოწვა ღამე მძიმე კალთებით და ათასმა სულ-
მა იწყო ძებნა მიუწვდომელის... და ვერ პოებდენ
მას... ვერც ოდეს იხილავენ თუ არ იქ, რომელსაც
ვერვინ მიწვდება გარდა შენისა.

ვისაც გასურთ ამაღლდეთ და მზეს დაუტოლ-
დეთ—იყავით მარტო... ვისაც გასურთ სიღრმე და
გრძნეულება—ჩაღრმავდით თქვენს სულში და იყა-
ვით მარტო...

მზე სულისა, უცხოველესი ცაზედ მოარულ მზე-
ზედ, გაგათბობთ თქვენ და შეგმოსავთ ვარდის ფერ
სხივებით ..

სამყარო თქვენი იყიდის ათას სამყაროს მიწი-
სას და მზე თქვენი დაჩრდილავს მზეს ცისას. სამყა-
რო თქვენი დიდებული იქნება და ვერრა გრიგალი
ქვეყნისა ვერ შეარხევს თქვენ ყვავილთა ნაზ ღე-
როთაც...

ზურმუხტი ღამეები დაბადე შენს სულში და
ფერ-შემქრთალი მთვარე გუნდი და გუნდ ვარსკვლა-
ვებით...

ყვავილოვანი მდელოები გადიშლებიან იქ და
ნიავე ნელი დაუაღრესებს დაცვარულ ფოთლებს...

შენს სამთავროს დაათრობენ ღამაში ტუჩები—
უტყბლესი ღვინოსა და თაფლზედ...

ყველა ამას შენ შექმნი სულის სიღრმეში, მო-
შორებული დღის ავათმყოფ სინათლეს...

ვისაც გასურთ შეგება იპოვოთ—იყავით მარტო.

სო. პოლიაშვილი

„ვაიმე რომ ნამდვლი!“

ლევო ჟივჩაილი.

მარტო რომ ვარ, ყოველთვის მოწყენილი ვარ.. დაჯავრიანებული!.. ასე მგონია, თითქო რაც ქვეყანაზე უბედურებაა მე მაწევბა თავის საშინელის სიმძიმით და ცუდს ყოფას განმაცდევინებს!.. რა თქმა უნდა, ჩემი ფიქრები მაშინ „შავად მღელვარებენ“, როგორც პოეტები იტყვიან ხოლმე ასეთს შემთხვევაში!.. ჩემდა დაუკითხავად მიკაკუნებენ თავში ისეთი კითხვები, რომლების გადაჭრა, ვიცი, შეუძლებელია და რომლებზედაც კაცობრიობას გარკვეული პასუხი ვერ მიუცია.

— რა არის ცხოვრება?

— რა არის კაცი?..

თუმცა უნდა აღვიარო, რომ ბევრისაგან გამოგონია ბრძნული აზრები ასეთი კითხვების შესახებ. ზოგი შეიძლება, მართალიც იყოს, მაგრამ... ჩემდა საუბედუროდ ჩემთვის კითხვა მაინც კითხვად რჩება! ისიც გამიგონია, რომ ასეთ ნაირად კითხვის დასმა შეუძლებელიაო, არა მეცნიერულია და როგორც ასეთი საღად მოაზროვნე „ხალხის“ მიერ უარყოფილიცა, მაგრამ... აკი ვსთქვი, ჩემდა დაუკითხავად დამიკაკუნებენ მეთქი ეს კითხვები! ქვეშაირტად, მარტოდ დარჩენა ხელსაყრელი არ არის ჩემთვის... ასეთ დროს მიხელებენ ხოლმე „შავი ფიქრები“ და, მდაბიოდ რომ ვსთქვათ, ტყავს მაძრობენ! ამიტომაც ხშირად ვსეირნობ ქალაქის ბაღში, სადაც მუდამ დადის ხალხი... სადაც ხშირად მუსიკასაც კი უკრავენ!.. განსაკუთრებით ბავშვები იქცევენ ჩემს ყურადღებას. ბაღის ერთი კუთხე ამათ აქვთ დასაკუთრებული!

მე თავისუფლად დაველაპარაკები ბავშვებს, როცა მინდა. ისინიც ყოველთვის უბრალოდ და პირდაპირ მომიგებენ ხოლმე... საქმე ისაა, რომ არც მე მჭირდება გაცნობა, ქუდის მოხდით და ბოდიშით მიმართვა და ათასი ასეთი რამე, ურომლი თოც დიდები უზღველად მომნათლავენ, არც ბავშვები შეწუხდებიან და ყოველ სიტყვაზე დაფიქრდებიან, რასაც დიდებში ვერ შეხვდებით... ცნობილია, რომ დიდები თითქმის ყოველთვის იმას ცდილობენ, რომ სხვანაირად მოგაჩვენონ თავი, ამისთვის ზოგიერთს წინდაწინ აქვს მოფიქრებული ყოველშემთხვევისათვის სიტყვა-პასუხი, ზოგიერთს კი მოფიქრებაც არ სჭირდება, — ბუნებად აქვს გადაქცეული თავის სხვანაირად მოჩვენება!.. ჭეხს! ეს „დიდები“!

ეს „დიდები“ რატომ არის, რომ ბავში — ეს თვით შეგნება, ეს სულიერი და ხორციელი სილამაზე — თავის წარმტაცი და მომჯადოებელი წმინდა ბუნეით სრულიად ისპობა „დიდში“?? ყოველი დიდი ერთ დროს ხომ ბავშვი იყო?! და მერე ნეტავ რად იცვლება ასე სასტიკად ადამიანი!?

ქალაქის ბაღში ერთს დღეს სრულიად მოულოდნელად შევხვდი ლიზას... დიდი ხანია რაც მე იგი არ მინახავს. ბავშვობისას კი მეგობრები ვიყავით. უერთმანეთოდ ვერ ვძლებდით. წმინდა, უმანკო სიყვარულით გვიყვარდა, ერთიმეორე. ლიზა ლამაზი იყო და მეტად ცოცხალი არსება. მისი ფართო თვალები მე ყოველთვის განწმენდილ ცის ლაქვარდს მომაგონებდენ... ლიზას თვალთა მზერა ჩემზე ისე მოქმედებდა, როგორც უსაზღვრო ლაქვარდი შებინდებისას... იგივე მოუნდამლობა, უძირკედლობა, იგივე ახლობა; ნაზ-ალერსობა და იგივე გამოურკვეველ შორს გამფრენ ფიქრთა აღძრა! ღვთაება იყო ლიზა... მერმეც, როცა ლიზას დავეშორდი, არა ერთხელ მიფიქრია, რომ ლიზა ყოველ კაცისთვის უშრეტეი წყარო იქნებოდა ბედნიერებისა!.. შურიც აღმეძრებოდა ხოლმე და გავიფიქრებდი: — ნეტავი მას, უბაღლო ბედნიერს ვისაც შეიყვარებს ლიზა მეთქი!

როცა ახლა დავინახე ლიზა ბაღის სწორეთ იმ კუთხეში, სადაც განსაკუთრებით ბავშვები თამაშობენ, თავში გამიელვა: — სწორედ, ლიზა სწორედ აქ უნდა სეირნობდეს! აქ, სადაც ბავშვებია, სადაც უბრალოობაა და სადაც დიდების ათას ბოროტეულებას ადგილი არა აქვს!

— ნუ თუ შენ ხარ, ლიზა!?

— დედა ჩემო!.. იპოლიტ!.. ჩემი იპოლიტ!

ვიცოდი, რომ ლიზა მაღალი არ გაიზდებოდა!.. მას ბავშური სახე შერჩენოდა თითქმის უცვლელად!.. თვალები იგივენი სრულიად იგივენი, მხოლოდ საღამოს ფერი ლანდს უფრო კიდე გაეღრმავებია ისინი!.. ისევ ის ბავშური ღიმილი, რომელიც მაისის მზიარულ განთიადისებერ ციალობს ხოლმე!.. ხელზე ვაკოცე ლიზას.

— სად დაიკარგე, რომ არსად სჩანდი, იპოლიტ!

— ამას მერე, მერე გეტყვი, ლიზა! შენ რასა შევები? როგორ ხარ? . ისევ ის ლიზა ხარ?

— ისევ, ისევ! მიუხედავად იმისა, რომ დაქვამრ-შვილდი!! აი, დამაცა, იპოლიტ, ჩემს ქალიშვილს გაჩვენებ... უკვე სამი წლისაა!.. აქ დამყავს სასეირ-

ნოდ!...—მიპასუხა ლიზამ და ბავშს მიმართა:—ცა-
ცუნია!.. მოდი ჩემთან! მოდი შენ გენაცვალე!..
მოდი ძიას განახებ!

ამ სიტყვებით ლიზა თითონ მივიდა ბავშვების
ერთ ჯგუფთან და ერთი თეთრში ლამაზად გამო-
წყობილი ბავშვი ჩემსკენ წაჰოიყვანა...

ცაცუნია, რომლის სახემ პირველ შეხედვისთა-
ნავე მე დედა მისის ბავშვობა მომაგონა, ხელზე
ავიყვანე და შუბლზე ვეამბორე.

— ხომ ბედნიერი ხარ, ლიზა!. ხომ კარგად
ხარ?

— არა უშავს რა!.. კმაყოფილი ვარ... რამ-
დენად შეიძლება წარმოიდგინოს კაცმა ადამიანის
კმაყოფილება!... ლიზა ჩვეულებრივი, ბავშური გულ-
უბრყვილობით ლაპარაკობდა. მე დავასკენი, რომ
ლიზა ბედნიერი და კმაყოფილი იყო.

— ქმარი?.. ვინ არის, ლიზა შენი ქმარი!?

— ჩემი ქმარი, იბოლიტ, რკინის გზაზე მსა-
ხურობს!.. კონტროლიორია!. დროებით, რა თქმა
უნდა... მალე სახელ მწიფო ეგზამენის ჩასაბარებლად
წავა რუსეთში!!

ჰჰჰჰ... მაშ, კმაყოფილი ხარ, კმაყოფილი?!..
დიდად სასიამოვნოა, ჩემო ლიზა!.. შენი მშობ-
ლები?..

ლიზა, ცაცუნია და მე ერთად წამოვედით ბაღის
გასავალ კარებისკენ. მე კიბვას კითხვაზე ვუსვამდი ჩემს
ძველს ბავშვობის მეგობარს. ისიც სხარტულად მი-
პასუხებდა. ცაცუნია კი მიმზერდა თავის უმანკო ნა-
თელი თვალებით, რომლებიც ერთობ წააგავდნენ
დედისას.

ლიზამ მე თავისას მიმიპატიყა.

ლიზას ბინა ოთხი ოთახიდან შედგებოდა. ერ-
თი მათგანი გაეჭირავებინა ცოლქმარს. მდგმური
ახლგაზდა კაცი იყო, საღდაც კერძო დაწესებულე-
ბაში მოსამსახურე, მაღალი, ბეჭებში ფართო და ენერ-
გიული სახის პატრონი. როცა ჩვენ სახლში შევე-
დით, ის ზალაში იჯდა და სქელს შეკინძულს ჟურ-
ნალს ათვლიერებდა. უღვაშები აწეული ქონდა და
ახლად გაპარსულ პირის სახეზე უმარლილი წაეცხო...
ის შინაურულად იყო მოწყობილი. ჩვენს დანახვაზე
ის ღიმილით ადგა, ბოღიში მოიხადა ლიზას წინა-
შე, რომ მის ნებადაურთველად შესულიყო ზალა-
ში. ლიზამ ჩვენ ერთიმეორე გავაცნო, რის შემდეგ
მდგმურმა ცაცუნიას გაუცინა, წაუფათუნა ხელი ლო-
ყაზე და თავის მორიდებულის და დაბალის დაკვირთ
ბოღიშით გავიდა ზალიდან თავის ოთახში.

ლიზას ბინა უბრალოდ, მაგრამ ლამაზად ქონ-
და მოწყობილი... ზალის ერთ კუთხეში დაქირავე-
ბული როიალი იდგა. კედელზე დიდი სარკე ეკიდა.
სარკეს წინ კი სპარსული ნოხი იყო დაგებული.

ლიზა მალე გაიჭრა მეორე ოთახში. მითხრა ახ-
ლავე ჩიის დაღამზადებინებო. „ჩემი ვასიკოც მალე
დაბრუნდებაო და საღამო ერთად გავატაროთო!!“

მე სურათებს დაუწყე თვალიერება. ჟურნა-
ლებს გადავხედე.. გულში რაღაცა მიხაროდა... მი-
ხაროდა რომ ცხოვრება არც ისე ცუდი ყოფილა,
როგორც მე მქონდა წარმოდგენილი.—ლიზა, ცა-
ცუნია და „ლიზას ვასიკო“ ისე მოქმედობდნენ ჩემ-
ზე, რომ დამავიწყდა შავი ფიქრები და ტკბილ გან-
ცდათ მივეცი თავი.

ცოტა დავვიანებით დაბრუნდა ლიზა. მას ში-
ნაური ტანსაცმელი ჩაეცვა. ლიზა იმ ქალებს ეკუ-
თვნოდა, რომელთან შინაურულად, უბრალოდ გა-
მოწყობა უფრო უხდებოდა.

საღამო იყო. დაღეული დღე ძლივს შლიდა
ფრთებს. ლიზა და მე გაღებულ ფანჯარასთან დავ-
სხედით. ლიზა თავის ვასიკოს სურათებს მიჩვენებდა.
მე შევენატროდი სანდო და კეთილშობლური სახის
ახალგაზდას, რომელიც მრავალ რიგად იყო გადა-
ღებული. სჩანდა, ლიზას გატაცებით უყვარდა ქმარი.

ჩვენს შორის ლაპარაკი კიდევ არ იყო გაბმუ-
ლი, რომ მეზობელ ოთახიდან დაბალი, მაგრამ საა-
მო ხვა გაისმა. ეს მდგმური მღეროდა რუსულს რო-
მანსს:

Еще одна моя мечтааа,—

Расцвловать твои устааа!..

— ოჰ, რომ იცოდე, იბოლიტ, როგორ მომა-
ბებრა ამ კაცმა თავი!..—გაჯავრებით და შესამჩნე-
ვად სახეზე შეწითლებით სთქვა ლიზამ სიმღერის გა-
გონებაზე. —რამდენჯერ უთხარი ვასიკოს, ახლა არ
გვკვირია მდგმური მეთქი, მაგრამ ის ისეთი კაცია,
რომ ყოველთვის ერიდება სხვის შეწუხებას!!

— კარგი ხმა აქვს!! შეენიშე ლიზას.

— სულ ამას მღერის, ყმაწვილო!. ხშირად
როიალზედაც უკრავს!. ისედაც... ესეც რომ არ
იყოს... მე არ მინდა სხვა იდგეს ოჯახში!. ღვითთ
ვასიკო ახლა საკმაოდ შოულობს!!

— კი, მაგრამ, შენი ვასიკო როდის დაბრუნ-
დება, ლაზა?.. მე მისი ნიხვა ძალიან მინდა!

— აი, უნდა მოვიღეს საღაც არის!.. თუ ცხრა
საათს გადააცილა, შემდეგ შეიძლება ძალიან გვიან
დაბრუნდეს, ან დილაშდის... არ მოვიღეს!.. ამ
მზრით მეტის მეტი ცუდი სამსახურია!

... Мечты мои-и-и...

Уста твои-и-и!..

დაილილინა კვლავ მდგმურმა...

— Какой онъ противный! — ურის ცქვეტით სთქვა ლიზამ. ჩვენი თუ არა, სტუმრების მიანც ერი-დებოდეს!.. შეხარება მაგისტანა კაცები!.. ჭკუა მჩატვა უბედური!!

ჩაიზე მიგვიწვია მოსამსახურე გოგომ. ჩვენ გავედით სასადილო ოთახში. იქ უკვე ლამპა ენთო.

— სთხოვე მდგმურს ჩაი მიირთვას — უბრძანა ლიზამ გოგოს. ჩვენ დავსხედით. ცოტა ხნის შემდეგ კოხტად გამოწყობილი ჩვენი ნაცნობი მდგმური მოლიმარი სახით შემოვიდა. ის გადამეტებულად მორიდებიანი იყო და თვალებს ძირს ხრიდა, რომ ჩვენთვის არ ვაესწორებია.

— დაბრძანდით! — მიმართა მას ლიზამ...

მალე მე და ლიზამ საუბარი გავაჩაღეთ. განსაკუთრებით ჩვენს წასრულს ვიგონებდით. მდგმური იჯდა ჩუმად. ცალი ყბით ილიმოდა და ჩვენს საუბარში არ ერეოდა. მე შევნიშნე, რომ ის მეტის მეტი ზდილობიანი თავდაჭერილი, და მორცხვი კაცი იყო...

მეთავე საათი სრულდებოდა და ვასიკო კი არ ჩანდა. მე შევწუხდი, მაგრამ ლიზა მარწმუნებდა, რომ ვასიკო მოვიდოდა.

მეთერთმეტე საათზე მდგმურმა ცალი ყბითაჲ მიატოვა ღიმილი და შესამჩნევად შეიკრა სახე. ლიზა კი განუწყვეტლად ჟღურტულობდა. რამდენს გულუბრყვილობას, ჩემდამი სათნოებათ დამოკიდებულებას იჩენდა იგი!..

„სწორედ, ჯერ კიდე ბავშია ლიზა!.. ისეე ბავში!“ — ვუქრობდი გულში და ჯერ კიდე ჩემი უცნობი ვასიკოს ბედნიერებით ვებდნიერდებოდი.

ბოლოს რა კი ვასიკო არ მოვიდა, წასვლა განვიზრახე. ლიზამ არ გამიშვა. ჩემი განცხადება წასვლის შესახებ პირდაპირ შეიწამა ლიზამ.

— ამაღამ უნდა დარჩე ჩვენსას!.. დილით, ვასიკოს რომ გაეცნობი, წახვალ!.. მით უმეტესს სადაც არის შუა ღამეა და შენც ცოტა შორს სდგახარ!

მდგურს მოუთმენლობა დაეტყო. ის შეუწყვეტლად ამგვრალედა პურის გულს მარცვლებათ. ალბათ თავის ოთახში უნდოდა გასვლა და მოსვენება, ხოლო მორცხვობის გამო ამას ვერ ახერხებდა. დასასრულ ლიზამ დამარწმუნა, რომ ჩემი წასვლა ვასიკოს ეწყინებოდა, და მეც დავრჩი.

მდგური ადგა ბოდიში მოითხოვა. მძიმედ და-

გვიკრა თავი და გვიდა. ის უსათუოდ შეწუხებული იყო.

..იქნება ხვალ შეიდ საათზე აქვს ასადგომი! საქმის კაცია!“ გავიფიქრე!

— ამდენ ხანს ვერ მოიფიქრა წასვლა?!.. რა იყო, მუნჯივით, რომ იჯდა, შენიჭირიმიე!.. ჩუმად მითხრა ლიზამ. სწორედ ისე, თითქო ბავშვობის დრო დაგვბრუნებოდა...

კიდე ცოტა ხანს ვისაუბრეთ და ლიზამ განკარგულება მოახდინა ჩემთვის ზალაში დაეგოთ...

— ჩუმად

(შემდეგი იქნება.)

ტყვე

შალვა დალიანი.

სალამურის ხმა ნაზათ იბნეოდა მთის მსუბუქ პაერში.

ნიავის უბიწო, უხილავი ლეჩაქი საამურ ზოლებათ დაქრიალებდა ბაღნარ მთის ფერდოებს, ტურფა ველ-მინდორს.

ბუჩქნართან ამოსული რაღაც მაღალ ღეროანი ყვავილი ნარნარათ წელში ირხეოდა და თითქო თავი მოწონდა, როგორც ახალგაზდა, წერწეტი ტანის ქალწულს.

მისი ძლივ საგრძნობელი სურნელება, ნიავის სარეცელზე გაწოლილი, ქრებოდა ცის ეთერში.

და თავისებურათ ნეტარებდა ეს არე-მარე.

ნეტარებდა მარტივათ და ბუნებრივათ.

ეგრევე მარტივი იყო სალამურის კილოვნება, კაცის გრძნობით შეთამაშებული და ლერწმის ტანით ათრთოლებული.

მისი გამონაცენესი მხოლოდ დაუკმაყოფილებელი მწყემსის სიყვარული იყო, მისი გამონასტვენი — ბუნების მშვენიერების წინაშე განცვიფრებული თავდახრა.

თიკო და ზურაბი მიუყვებოდენ აღმართ-აღმართ.

თიკოს მაღალი ტანი ლურჯ სივრცეში თეთრად ნაკვთიერდებოდა.

ზურაბი შეჩვეული იყო ამ ტანს, მის ყოველივე სანდომიან მიმოხრილობას... მხოლოდ თვალებით. გულით და გრძნობით, ნდომით და სურვილით კი ჯერ ისე იბნიდებოდა ამავე ტანის შორეულობით. მიულწვეწელობის ტკბილი და მწველი სახმილი ჯერ კიდევ ვერ ჩაეკრო.

ამაყათ მიემართებოდა თიკო წავაკებულ მთის ფერდობზე. მისი მკერივი გულ-მკერივი ლალათ და ჟინიანათ მიაბობდა ჰაერს; თითქო გრძობდა ძალას საუცხოვოს მისი სიყმაწვილისას, ქალწულებრივ დამოუკიდებლობას მისი სხეულისას.

ცხოვრების ფოლადის ფრთა ეტყობოდა არ მოხვედროდა უცხო ქანდაკებასავით ჩამოსხმულ მის მხარ-მკლავსა.

იყო ზვიადი მისი წინ-სვლა, იყო დედოფლოური მისი მიხვრა-მოხვრა.

ზურაბსა და თიკოს ქვემოთ კიდევ მოდიოდნენ ადამიანები: დედა თიკოსი ხნიერი და სახიერი ელისაბედი, ფაცია და ციფალოუქი თიკოს ახალგაზდა ამხანაგი ქალები, სანდრო და იასონ ახალგაზდა ყმაწვილები და ტიტოკო, ჩოფურა, ჯმუხი ფაქაკი უბრალო შავის ხალათით და ქილოფის ქუდით გამოწყობილი.

ესენი ყველა ქალაქიდან გამოქცეულნი იყვნენ. ქალაქის სიციხისაგან, ქალაქის მტვერისაგან.

აგარაკათ იყვენ ამ მთის ფერდობზე შეფენილ სოფელში.

ტიტოკოს ჯმუხ და ჩოფურა სახეს ეტყობოდა უკმაყოფილება.

იგი გაჩუმებული ბოროტის სიჩუმითა, ნაწყენი მოადგამდა მის მტკიცე, მაგრამ ჟინიანურს ნაბიჯს.

— აი, ბ. ტიტოკო, ხომ კარგია აქა?.. ჩუ, გესმით სალამური?— უთხრა მას ფაცია.

ტიტოკო ჩუმით იყო, მხოლოდ მის თვალებში ცუდმა ნაპწკილმა გაიღოვა.

— ტყუილა არ გინდოდათ წამოსვლა!— დაიწყო ეხლა ციფალოუქმა— გრილა, ნიაგია... მოდა აქ ჩამოვსხედეთ, ბ. ელისაბედი!

— ჰო, მართლაც დავილაღე!— ქშენით წარმოსთქვა ხნიერმა ელისაბედმა და იქვე მალდა აყუდებულ და ფართო შტოებიან წიფელის ქვეშ ოხვრით ჩამოჯდა.

ახალგაზდობაც მილაგდა ხის ძირში.

— თიკო და ზურაბი რომ გაგვექცენ?— შეიკვირვა იასონმა.

— წავიდენ! ისინი პოეტები არიან!— უპასუხა სანდრომ.

— დაიცათ, სალამური!— გააჩუმა ყველა ფაცია.

და ყველანი მიეცნენ სიჩუმეს.

* * *

მზე უკვე გადიხარა.

უკან ცამდე აზნექილი, ბუმბერაზი მთა, თითქოს სასირცხო რამ სურვილით მზისგან უკანასკნელ-

ლათ გაწითლებული, ჩაყლაპვას უპირებდა ამაყ მზეს.

ქვევით კი, შორს, ლურჯ-ყვითლათ მობიბინე ყანები ერთხელ კიდევ ცდილობდნენ მათი ფართოთ გადაშლილი ზურგი მოექარგნათ მზის ოქრო-მკედით.

შორეულმა მდინარემ კი უკვე მოიბურა სალამური, ლურჯი პირ-ბადე.

სალამური შესწყდა.

ცხვარი ჩაიშალა ფერდობში.

გვანდა თითქო მთის თეთრი ქვეები ამოძრავდენ და ნელის გოგმანით მიგორავენ თავდაღმართში.

ჰაერში განსასვენებელი, რაღაც იღუმალი ჰარმონია გაიბნა.

ხის ძირში მსხდომნი ყველა თავის ფიქრს მოეცვა:

— ელისაბედი ჩაჰყურებდა ქვევით სოფელს და ამ საღამოს ზეიმში მას თავისი წარსული თვალით წინ ეფინებოდა. აი შორს, ყანებს იქით პაწია გორაკზე, მამა-მისის ძველი, ერთ-სართულიანი ქეთიკორის სახლი. მამა დიდი ხანია აღარ არის იქ. წავიდა უკეთესს ქვეყანაში... ეხლა იმ სახლში მისი უმცროსი ძმა, ესტატე— დედელი... ცოლ-შვილით დატვირთული, მოვალეობით დამძიმებული. საცოდავი! პირველ ხანათ კარგათ მიუდიოდა ესტატეს საქმე, მაგრამ ამ მოძრაობის შემდეგ... მართალია ცოტა გამოკეთდა, მაინც ის აღარ არის, რაც იყო... არც იმდენი შემოსავალი, არც იმდენი პატივის ცემა სოფლისაგან. სასულიერო მთავრობაც, რომ ყურადღებას არ აქცევს?... ესტატე ღირსეული მღვდელია, ნაღწავლი, სემინარიელი... მაგრამ აქამდის ბლადოჩინობა მაინც არ მიუციათ, ისე იმ მამულარს ყრუა-შვილსა აქვს... ფოფოდიამაც ხომ, ჩემმა რძალმა, გააქირვა საქმე. სული ამოართვა, სული საწყალ ესტატეს... მისი პირიმი!.. მერე რა კაცია, რა კარგი, რა სათნო... ბავშობაშიაც... ოო, რამდენი ტკბილი წამები მახსოვს იქ, იმ გორაკზე... საწყალი მამა!.. დამსახურებული დეკანოზი... მთელს საქსარხოსოში ისეთი დაჯილდოვებული არავინ იყო... ექსარხოს ისიდორედან მოყოლებული ყველასაგან პატივცემული იყო... ჩვენ შვილებიც ღირსეულათ აღგვზარდა. ესტატე სემინარიაში იყო, მე კიდევ ეპარქიალურში... ჰმ... რა შშვენური იყო ეს ხანა... მახსოვს, სამღვთო სჯულის მასწავლებელი რუსი— მღვდელი... ქრისტეს სახე ჰქონდა... რა თვალები!.. ღმერთო, ღმერთო! ლამის ამ თვალებისთვის მონაზვნათ არ წავედი... საბრალო დედ-მამა! რამდენი აღელვება განიცადეს მამინ... ძლივს გადამათქმევინეს მონაზნობა... იმ მღვდლის წირვაზე აღტაცებით მივდიო-

დით ხოლმე ეპარქიალისტები... მუხლ-მოდრეკილნი, თავდახრილნი ცხარე ცრემლათ ვირღვენებოდით... რა გვატირებდა?! არა, ნამდვილათ გვიყვარდა, შეყვარებულნი ვიყავით... ჰა, ჰა! მხოლოდ ერთი მეორეს არ ვუშხებდით, ყველა ღვთის მოსაოხბას ვეფარებოდით... მხოლოდ, როდესაც ქადაგებას დაიწყებდა!.. ღმერთო, რა მემართებოდა... არა, ეს რაღაც ღვთიური ამალღება იყო... სწორეთ! თუმცა შემდეგ, მონაქცევზე, როდესაც გავიგეთ ამ მღვდლის ისეთივე ბიწიერება, როგორც სხვებისა... რა, რა საშინელი იყო ჩემი ტანჯვა, ჩემი სირცხვილი... მაგრამ რათ არის, რომ ეხლაც კი ის პირველი გატაცების წუთები ჩემს ბებერ გულს ეგრე ხუთავს და ეგრე ტკბილის ტკივლით კუმშავსა და შლის... თუ საზოგადოთ წარსული ტკბილი მოსაგონარია... მაგრამ არა! — საწყალი ელიზბარ, ჩემი ქმარი!.. ღმერთმა სასუფეველი დაუშვიდროს... ბევრი ტკბილი დღეები უჩვენებია ჩემთვის, მაგრამ... ღმერთო შეგცოდნე... მე არ ვიყავი კმაყოფილი მასთან ცხოვრებით... არც არაფრათ მახსენდება... ჰმ... პირველათ რომ მოვიდა, მასწავლებლათ ვიყავი მაშინ... მამა როგორ მარიგებდა: „შვილო, მდიდარი კაცია, ნუ უგულვებელს ჰყოფო! მართალია ვაჰარი კაცია, მაგრამ ისეთი არ გეგონოს ჩვენს დაბაში რომ არიან, ეგ ნასწავლია, ევროპიულათ განათლებული ვაჰარი... ეგ სულ სხვაა! მართალია ცოტა ხნიერიც არის, შექალარავებული“... ორმოდაათი წლის იყო მაშინ... „მაინც, შვილო, მაგასთან ბედნიერი ცხოვრება გექმნებო!“... მეც ვერა ვაგებდე-რა... მეტათ მიყვარდა მამა ჩემი,.. მორჩილი შვილი ვიყავ... რა იყო შემდეგ ჩემი ცხოვრება?... რამდენჯერ ჩავფიქრებულვარ, რამდენჯერ მიტირნია?... საწყალი ელიზბარი სულ თავს მევლებოდა... გულის ვავლა იყო საბრალო!.. უბრალო ჩემი ჟინიც კი აუსრულებელი არ დარჩენია... პეტერბურგიც კი მაჩვენა, საუკუეოსო კურორტებიც არ დაუკლია... მაგრამ, ღმერთო, რათ იყო ჩემი გული მაინც ცალიერი?... არა, არასოდეს არ მიღალატნია... მხოლოთ სურვილი და ნდობა მაინც მისკენ არასოდეს არ მიზიდავდა... მუდამ განზე, სხვისკენ გაიყურებოდა... მხოლოთ ეს სხვა არასოდეს არ ხორცმსხმულა... ის იყო მხოლოთ ჩემს გულში, გრძობაში... ეს მანამდე, სანამ თიკო არ მეყოლა... ვენაცვალე!.. აქ კი დასრულდა ყოველივე... აღარც სხვა და აღარც საბრალო ელიზბარი... თიკომ ჩანთქა ჩემი არსება... მე ეხლა ვერც კი გამომიცენია თიკო მე ვარ თუ... რომელია? ვიღამაც მითხრა ესეთი სიყვარული არ შეიძლება... რა გაებრაზდი!.. რა იცის იმ სულელმა თუ რა არის დე-

დის გული!.. ჩემი თიკო, ჩემი ამაყი, ჩემი გაროზი თიკო...

ელისაბედმა თითქო შეშინებულმა მიიხედა იქით, საითაც ზურაბ და თიკო იყვენ წასულნი, მაგრამ ერთი ამოიოხრა და თითქო ისევ დაუბრუნდა თავის ფიქრებს.

სულ სხვა იყო მიზეზი ახალგაზდა ციფალუქის ფიქრებისა: მან ერთ ხანს უგდო ყური სალამურის ნარნარ ბგერას და იასონის თვალებისაკენ გაიწია მისმა ნდომამ. ახალგაზდა ქალის გულსა და გრძობაში იბმებოდა ისეთი ნაზი სიმთა ხლართი, რომლის ერთი ვახმაურება უსათუოთ იასონის გულის ძგერას უნდა შეხმატბილებოდა და ეს შეგნება ტკბილ ნაკადულივით უვლიდა თეთრ და ბრკილა კან ქვეშ ლურჯათ გამოჩენილ მფეთქავ ძარღვებს.

იასონს კი შიშველი თავი მიეშვირა ცელქ ნიავისთვის და ციფალუქის ნაზთ, მომხიბლველათ მღელვარე გულ-მკერდს ჩასცქერებოდა.

აქ ერთხელ კი ღვევ ბუნების საიდუმლოება ტრფიალების ბადესა შლიდა.

ფაცია კი იჯდა გარინდებული და მის მოკუმულ ტუჩებს, ნატიფს, მაგრამ უკმეხ სახეს მიუკარებლობა წარწერილივით გამოეფინა.

სანდრო ცოტა მოშორებით გულ-აღმა ბალახზე მიწოლილიყო და იმაზე ფიქრობდა, თუ ყველა აქ მყოფი როგორ სხვადასხვა ნაირათ განიცდიდა ბუნების სანახაობას, რომ ყველასათვის სათითველოთ ეს სანახავი სხვადასხვა იყო, სხვადასხვა გვარ საგრძნობი და განსაცდელი. სანდრომ იგრძნო, რომ აქ ყველა უცხო იყო ერთი მეორისა; რომ თითოეული მათგანი იყო განსხვავებული, დამოუკიდებელი ერთი მეორეზე; რომ მათ თითქმის საერთო არა ქონდათ-რა. და საერთო მხოლოთ იმიტომ კი არა, რომ თითოეულს მათგანს თავისი ან ვარამი ქონდა ან ლხენა, არამედ იმიტიც, რომ ამ მწუხრად განმზადებულ, ლალ ბუნებისაც სხვადასხვა გვარ ესმოდა თიროეულ მათგანს.

სანდრომ ციფალუქსა და იასონს თვალი გადაავლო:

— აი, შეიძლება ამათი განცდა კი ერთ-გვარი იყოს. მაგრამ ამათ ხომ ერთი მეორისადმი ლტოლვა აერთებთ, შეიძლება უკვე ჩასახული სიყვარულიც... ოო, სიყვარულმა კი ძილიან შეერთება იცის... აი, ამისი კი არ ვიცი... აქ შეიძლება ცოტა მოიკოქლოს ჩემმა თეორიამ. ისე კი ყველანი სხვა გვარ განიცდიან. ერთი მეორეზე განსხვავებულათ...

ამ უკანასკნელ სიტყვებს ხაზი გაუსვა სანდრომ

თავის გონებაში და საკვარველი სიამოვნება იგრძნო, თითქო ახალი რამ აღმოაჩინაო.

აქ კი შეწყდა მისი ფიქრთა ჯარი და გულ-აღმა მყოფი წამოჯდა. მისი ყურადღება ტიტოკომ მიიქცია. ტიტოკო უკვე მჭერმეტყველობდა.

შემაღვი იქნება.

(შემაღვი იქნება).

ორი სიტყვა

რედაქციისათვის

საქართველოში წმინდა ხელოვნური ჟურნალი ვერ იარსებებს, მას ჩვენში ნიადაგი არ აქვსო - აი ის სიტყვები რომელიც გვესმოდა ჩვენ იმ პირთა უმრავლესობიდან, რომელთაც ჩვენი ჟურნალის და-არსების განზრახვა გავეუწყლადნეთ.

ამგვარი გაფრთხილება, სჩანს, უნდა მიგველო მხედველობაში და ჟურნალის დაარსებაზე ფიქრიც უნდა დაგვევიწყებია, მაგრამ გრძნობა იმისი, რომ ჩვენი დაწყებული საქმე, ცოტათი მაინც შესძლებს იმ საკითხების გამორკვევას რომელთაც უნდა გადაწყვიტონ ბედი თანამედროვე ჩვენი ხელოვნებისა, უფრო მაღალი და ძლიერი გამოჩნდა შედარებით შიშთან.

ჩვენ არ შეგვიძლია გავჩუმდეთ როდესაც ვხედავთ რომ ჩვენი ქვეყანა თან და თან სცილდება ხელოვნებას, მთელი მისი გრძობა-გონება საზოგადოებრივ კითხვებს შეუბოქავს და იმათ იქით მისთვის თითქმის ყველაფერი ზედ მეტია...

მაშინ როდესაც რომელიმე დაწესებულობის ფულით უმაღლეს სასწავლებელში მოკალთავებულა ხშირათ უნიჭო, უზნეო სტუდენტი, იურიდიულ ან მედიკურ ფაკულტეტისა, ჩვენს ქალაქებში ნიჭიერი ახალგაზდა პოეტს, ქუჩაზე ვერ გაუვლია იმის შიშით რომ აგერ-აგერ ხელს სტაცებს იაფ ფასიან სასაღილო დუქნის პატრონი და დარჩენილ სადილის ფულს მოსთხოვს. მწერალი, რომლის ნიჭი ყველასაგან აღნიშნულია, სიბერემდის და შეიძლება სიკვდილამდისაც ვერ ხილულობს თავის ნაწერების გამოცემას. ღარიბი ახალგაზდა რომელსაც იტაცებს ხატვის სიყვარული, იჩენს ხატვაში უნარს, პლაკატების მხატვრის მოწაფეობით უნდა დაკმაყოფილდეს.

ჩვენი მსახიობი, გარემოებით შეზღუდული, ჩვენს სცენას სცილდება და სხვაგან იჩენს თავის ნიჭს, სხვაგან აფრთოვანებს თავის ოცნებას.

და რამდენი სხვა უკულმართი მოვლენა.

დღეს, როდესაც ჩვენ ვხედავთ მძლავრ სიახლეს ჩვენში ხელოვნების აყვავებისას, როდესაც ვგრძნობთ რომ ჩვენი ხელოვნება დღითი-დღე იმატებს და იზრდება, ჩვენ გვინდა თამამათ ვთქვათ: ვემსახურებით ჩვენს დასახულ მიზანს, ერთი წუთითაც არ უღალატებთ მას სანამდის სულ არ მოგვსპობს საზოგადოების გულციობა.

და თუ ჩვენს ცდას, სურვილს ჩვენი მოვალეობის ასრულებისას, ერთხელიც არ გაუღიმებს ბედი, მაშინ დავრწმუნდეთ ერთხელ და სამუდამოთ რომ თანამედროვე ქართველი საზოგადოება სასაფლაო ქვას ადებს „თანამედროვე საქართველოს“.

შოთა რუსთაველი.

რუსთაველის ძეგლი დრომ ააშენა და დროვე იცვავს მას თავის საუკუნეობით.

ბინძურებმა ვერ შეახონ ხელი მის სიღიადეს, ბრბო შიშით ძრწოდეს მისი სიმძლავრის წინაშე, ბუნების ნიაღვრამაც ვერ გადალევოს, ვერც მიწამ 'მთანთქას ცამდე ასული.

ჩვენს სევდით მოკულ ყოფნას აცისკროვნებს მისი ცეცხლის სული, მის სამშობლოს არსებასთან შედუღებული.

ჟამს ჟამი სტაცებს იმის სიტყვას ხალხში აღმერთებს, იღუმალი ძალა იმის კალმისა გვიხატავს ჯერ კიდევ არ ნახულ დღეს.

სიყვარული მისი ყოველ გრძობას აღემატება, სიღამაზე მისი ჯერ ბუნებაშიც უნახავია, რუსთაველის ადამიანი ჩვენ სწეულ საუკუნოსათვის ზღაპრული არსებაა. მან იცოდა ყვავილთა ენა, ცის საიდუმლოება, ის იყო მზისა და მთვარის მეგობარი.

იგი უდგამდა სულს ქვათა და ხეთ, ვით ჯადოსნური ჰანგი ორთოსის ციური ქნარისა.

რვა საუკუნე გვაშორებს ჩვენი ხელოვნების ქურუმს და რაც წინ მიდის დრო მით უფრო საყვარელია ჩვენთვის საიდუმლოება მისი ენისა.

ბედმა რომ მოსპობა გვარგუნოს, და ყოველივე ჩვენი დავკარგოთ ჟამისაგან შექმნილი ძეგლი მისი მაინც შეურყევლად დარჩება, ვერა რა დაანგრევს მას.

და რა უნდა იყოს იმაზე სანეტარო რომ დღეს ქართველებს სურთ სული ჩაუდგან ამ ბუნებრივთ გამოსახულ ძეგლს.


ამ დიადმა სურვილმა უნდა შეაერთოს მთელი საქართველო ერთის ფიქრით ერთის გრძობით.

— დიადი ხელოვნური ძეგლი დიად ხელოვანს.

ჩვენ უკვე ვიცით რომ თბილისში დაარსდა „რუსთაველის საზოგადოება“. საზოგადოების მიზანია ყოველნაირათ ხელი შეუწყოს ხალხში ჩვენი დიდი მგოსნის უკვდავ პოემის გავრცელებას და საზოგადოთ მის შესწავლას. ამგვარ საზოგადოების დაარსების დიდ მნიშვნელობაზე ლაპარაკიც მეტია, ყველა ვგრძნობთ მის სარგებლობას. აქ გვინდა მხოლოდ ვთქვათ რომ აუცილებელი საჭიროებაა ქუთაისშიც ამგვარი საზოგადოების დაარსებისა.

საქართველოს სხვადასხვა კუთხეებში რა თქმა ვერ შესძლებენ თბილისის საზოგადოების მიზანძვას, რადგან „ვეფხვის ტყაოსნის“ შესასწავლათ სპეციალური ცოდნა არის საჭირო, მაგრამ ქუთაისისთვის ეს არ იქნება საძნელო, რადგან ჩვენ ქალაქში ბევრი მოიპოება უკვდავ პოემის კარგი მცოდნე.

სასურველია რომ თბილისის საზოგადოებამ გახსნას ქუთაისში განყოფილება. მაშინ უფრო სოლიდარული იქნება მუშაობა. ჩვენის მხრით ვეცდებით ყოველნაირათ დახმარება აღმოუჩინოთ განყოფილების დაარსებას.



ექსკურსია „თანამედროვე საქართველო“.

—ბ

ჩვენი ლამაზი სამშობლო, ედემი ამ ქვეყნისა, როგორც ამბობენ ჩვენი უცხოელი სტუმრები, ჩვენთვის შეგვიძლია თამამად ვსთქვათ, ჯერ კიდო უცნობია. სილამაზის მოტრფიალე უცხოელი, თავის სულის დასამშვიდებლად ჩვენსკენ ილტვის, თერება ჩვენი მიდამოების მიუწოდამელ სურათებით, ჩვენში ეზიარება მზიურ სიხარულს, ჰაბუკურ ნეტარებას.

ნაშთებს ჩვენი წარსული დიდებისა ჩვენ უმეტეს შემთხვევაში სხვების სიტყვებით ვეცნობით, თვითონ კი ზედ-მეტათ ვთვლით მათ ნახვას, მათ შესწავლას.

დაე ფართო მასსათვის შეუძლებელი იყოს თავის ქვეყნის რიგიანი შესწავლა, მაგრამ მათთვის ვიზედაც ჩვენ იმედებს ვამყარებთ, მათთვის ვისაც წილად ზედათ ჩამდგარიყვენ ჩვენი ქვეყნის შვილების მოწინავე რაზმში... მათთვის?

რამდენია მისთანა ახალგაზდა მგოსანი რომ შემოეველოს საქართველოს საუკეთესო კუთხეები, რამდენია მისთანა ახალგაზდა მსახიობი რომ იცნობდეს სხვა და სხვა ტიპებს ჩვენი ხალხისას, ვის მოუსმენია ან მესადედი ჩვენი ხალხის კილოკავებისა.

რამდენს უნახავს ის ნეტარი კუთხე სადაც აკვანი გადაერწო ჩვენი ქვეყნის უპირველეს შვილს

რუსთაველს, რამდენი ყოფილა იქ სადაც აზროვნებდა დიდი ავტორი „განდევილისა“ ან იქ სადაც მისი სისხლი დაინთხა, რამდენს უნახავს სავანე აკაკის გამომზდელი სოფელი ან საჩხერე, მის მუდმივი საცხოვრებელი.

და განა ყოფილა ვინმე ჩვენს ახალგაზდებში იქ სადაც „ნიავეს სევას“ ჩვენი მთების არწივი ვაჟა? თითქმის არაინ, ძალიან ცოტა. —ზაფხული დგება და ბევრი ნიჭიერი ახალგაზდა მგოსანი უნდა დახუთოს მტვერმა და სიცხემ შავი ქალაქისამ, ნიჭიერმა ახალგაზდა მსახიობმა უნდა დაუწყოს ძებნა სადმე დაბას რომ ვილაც უფიცების დახმარებით, წარმოდგენა გამართოს, მშვიერი არ დარჩეს. ამას რა ეშველება, ეს ჩვენში გამორჩეულების ხვედრია.

მაგრამ დრო გამოშვებით მაინც ვანახვოთ ხოლმე მათ ნამდვილი სილამაზე, მთელი სიმძლავრე ბუნების სიდიადისა.

მოვაწყით ექსკურსია „თანამედროვე საქართველო“.

შევკრიბოთ ახალგაზდა ლიტერატორები, მხატვრები, მემუსიკენი, მსახიობნი და ვანახოთ ყველას ერთათ, ძმურათ, შეერთებულათ, სიმშვენეირე ჩვენი ქვეყნისა.

ეს საუკეთესო პატივისცემა იქნება მათი ნიჭისა, ეს უდიდესი სარგებლობა იქნება ჩვენგან მათდამი მინიჭებული.

ხალხიც მადლიერი დარჩება როდესაც გაიცნობს თავის მომავალ იმედებს. ყველა სიამოვნებით დაესწრება მათის მონაწილეობით გამართულ სალიტერატურო საღამოებს სხვა და სხვა დაბებში და ქალაქებში. ექსკურსიის თავში მოსაწყობათ ისევ ქართველ საზოგადოებას უნდა მივმართოთ. მართალია ამ მიზნისათვის ჩვენ მალე გავმართავთ ქუთაისში სეირნობას, მაგრამ ეს საკმაო არ იქნება. შემოიტანეთ ყველამ თავ-თავის წვლილი თუ გინდათ მოუტანოთ უდიდესი სარგებლობა „თანამედროვე საქართველოს“. ქართველი პრესა იმედია დაგვგზმარება და საზოგადოებას კიდევ გააცნობს მთელს საქართველებს ამ კითხვისას, ვინც მოისურვებს ამ საკითხზე თავისი აზრი გამოსთქვას ან ექსკურსიის მოსაწყობათ წვლილის გამოღებას, გთხოვთ მიმართოთ ჩვენს რედაქციას.

ბ. ბ. მოქექციით ყურადღებით ჩვენს განზრახვას.

რა მოგვცა ჩვენ ლეონ ტოლსტოიმ.

ცნობილი ჟურნალისტი ა. ხირიაკოვი მიმართავს რუს მკითხველებს თხოვნით, გამოთქვას თითო გულწრფელად, რა მისცა მას ლეონ ტოლსტოიმ. ხირიაკოვი თხოვს ყველას, ვინც მოინდომებს ამ კითხვაზე პასუხის მიცემას, ნუ დაერიდებათ ლიტერატურულად აზრების გამოუთქმელობას, ნურც იფიქრებენ იმას, რომ მათ აღსარებას არავითარი მნიშვნელობა არ ექნება. საჭიროა მხოლოდ სიმართლე, საჭიროა მხოლოდ გულიდან ამონადები პასუხი კითხვაზე: „რა მომცა მე ლეონ ტოლსტოიმ, რა გავლენა იქონია მან ჩემ ცხოვრებაზე“.

ჩვენ დარწმუნებული ვართ, ქართველებშიდაც მოიპოვებინა მისთანები, რომ ამ კითხვაზე შესაფერ პასუხს გასცემენ.

პასუხი გაიგზავნება ამ მოსამართით:

Петербургъ, Васильевскій Островъ, 2 линия, домъ 13, Толстовскій, Музей, А. М. Хирьякову.

გონაკო ოოტა ქ. ქუთაისში.

სავსე დარბაზი თეატრისა მკვლარი სიჩუმით ელის გონაკოს სცენაზე გამოსვლას. შემოდის პატარა, ბავშვით კეკლუცი ქალი. ვისაც გონაკო ოოტა არ უნახავს, იგი უეჭველად კითხავდა თავის თავს, ნუ თუ ამ პატარა, მერცხლის მგვანე არსებაში, ჰფეთქს ისეთი გრძნობიერი გული, ნუ თუ ეს არის ადამიანი რომელსაც ბედმა ელეონორა დუხეს შედარებაც კი არ ღუნა.

მაგრამ კმარა ერთი სიტყვა, კმარა ერთი დიმილი ან სევდიანი სახის მიღება, და თქვენ დარწმუნდებით, რომ თქვენ წინაშე სდგას ნამდვილი ნიქი, ნამდვილი მსახიობი.

და რაღაც თავისებურათ მოქმედობს მაყურებელზე ყოველი მისი მიხვრა-მოხვრა, მისი ჩიტისავით ჟღერტული. ყველა ის პიესები, რომელშიდაც მსახიობი ქალი უმთავრეს როლებს თამაშობდა ჩვენ მეტად სუსტ ნაწარმოებთ გვეჩვენება, რადგან მათში თითქმის არაფერი არ არის სცენიური, რაც უნდა იყოს მათში ვერ ვპოვებთ იმ სიახლეს რომელსაც უკანასკნელ დროში ევროპის თეატრი განიცდის.

პირველ დრამაში „თვითმკვლელობაში“ განაკო ოოტამ ო-კიკუს როლი შეასრულა. როლს დრამატიული ელემენტი სჭარბობს, და აქ მსახიობი ქა-

ლი იჩენს მთელს თავის სიძლიერეს. ძვირათ გვინახავს თვითმკვლელობის სურათის ისე ძლიერათ დახატვა, როგორც ეს ოოტამ შესძლო. აქ ყველაფერი ბუნებრივი იყო. შთაბეჭდილება ერთი ორათ გააძლიერა კისრიდან რაღაც მანქანებით გადმოხეთქილმა სისხლმა.

პიესაში „ჩაის სასმელი სახლი“ გონაკო ოოტას კურტიზანკის როლი აქვს, აქ მსახიობი ქალი ჩემის ფიქრით ბევრათ უფრო სუსტია. კურტიზანკის სანდომიანობა, მომხიბლველობა მას სრულიად არა აქვს.

სამაგიეროთ კომედიაში „ოოტას მსახური.“ იგი ზედმიწევნით კარგია. გონსკი ცოცხალი, ბავშური ემშაკობით სავსე მსახურია, და გონაკო ამ როლისათვის თვით თავის ბუნებით და გარეგნობით არის შესაფერი. მსახიობ ქალს მეტათ სუსტი პარტიორები ახლავს. მათ შორის მხოლოთ კაკამურა სატრფიალო როლების ამასრულებელი მოგვეწონა.

ოქროს ვერძის ქრონიკა.

— 22 მაისს შესრულდება 100 წელიწადი მას შემდეგ, რაც გადაიცვალა გენიალური გერმანული კომპოზიტორი რახანდ ვაგნერი გამონეილი ავტორი ოპერების: „ტანგეიზურა“, „ლუნგრინი“ ტრისტანი და იზოლდა“ „ბეჰედი ნიბელუნგისა“ და სხვ.

— ვნობილი დექტორი გრ. რაბაქაძე 22 მაისს მართავს სელამს მხატვრულ კითხვისას ქ. ბათუმში. ლექციას განდა რაბაქაძე წააკითხავს თავის მხატვრულ ნაწარმოებთ. დექტორს თან ახლავს ახალგაზდა ჰოეტი ი. გრამაშვილი.

— გრ. რაბაქაძე მართავს აგრეთვე სელამს მხატვრულ კითხვისას ქ. ქუთაისში.

— დავით კლდანიშვილს დაუწერია ახალი ერთ მოქმედებაანა ჰაესა და მოთხრობა. ჰაესა გავსავნილია სტენსურთ კომიტეტში, ხალხ მოთხრობა ჯერ შეუსწორებულაა. მოთხრობას ჰატივეტული ავტორი „ოქროს ვერძს“ დახარდა.

— რ. დაიუშიძე შეუდგა ახალგაზდა ჰოეტის კატაბის დექსების გამოცემას.

— როგორც გავიკეთ ახალგაზდა ჰოეტი ი. გრამაშვილი დექსავს სხლურ ზღაპარს ეთერანსს.

— ს. აბაშელი მუშაობს ეხლა დიდ ჰოემაზე.

— დ. კასრადე მიემგზავრება ევროპაში სწავლის კასტრქელებათ.

— ამ მოკლე ხანში „გრამაფონის სხვაგადობა“ გამაყვეს გასსეიდათ ფინტიტეს, რომელზედაც ჩვე-

ნი დიდი შოკისანი აკაკისაგან ნათქვამი თავის ლექსები და სიტყვები იქნება ჩაწერილი.

— 7 წლის უცხო ქვეყნებში ეოფინის შემდეგ რუსეთში დაბრუნდა ცნობილი ზოეტი ვ. ბაღმონტი. მას მისკოვში დიდის ალტრაციით შეხვდა საზოგადოება. „წრემ თავისუფალ ესტრეტიკისა“ გაუმართა მას სიღამა, რომელზედაც მრავალი საზოგადოება დაესწრო. ვ. ბერიუსკოვი, ი. ბალტრუშტიასი და სხ. მიეგებენ დიდის აფრთხილებით თავის საუკეთესო მეგობარს. ბაღმონტს ესება სკულის შერადყოფის საქმე. მაგრამ ზოეტს ან უმინაა სსსამართლსა რადგან, როგორც თვითონ მან თქვა, იგი დაამტკიცებს რომ მას უეჭარს ღმერთი.

— ცნობილმა რუსმა მწერალმა მ. არტინსკიმ დაწერა მოთხრობა სადაც უმთავრეს როლს ქართველი თავადი თამაშობს.

— ამ წავსულებზე საქართველოში ელიან ახალგაზდა ნიკაიერ ჩვენს თანამემამულე ზიანისტ ჯანადარს.

— როგორც გავიგეთ ჩვენი სტენას მსახიობი ქალი დესპინე ივანისისა ძალიან უმწეო მღვთმარებაში უოფილა. ჩვენი სირცხვილია რომ ჩვენი სტენას ნიკაიერა გოანუღია ასეთ მღვთმარებას განაგდის. საზოგადოების მოვალეობაა დაეხმაროს მას.

— დღეს თბილისის სახალხო სასაღამო იფრად ხანტრესა საღამოს მართავს ახალგაზდა ზოეტი ვ. რუხაძე.

— თემის თანამშრომელი მ. წულუკაძე ამ წამათ ბროფინციაში კითხულობს ლექსებს: „საქართველოს ლიტერატურა მე XIX საუკუნისა.“

რაღენიმე დღე ქუთაისში ეოფინის შემდეგ აკაკი გაემგზავრა წყალტუბოს სადაც სამ კვირემდის დარჩება.

— გაბრეულ კონსკაბონისის ცხოვრება და მოღვაწეობა მღვდლის მელიტონ კელენჯერისის შედგენილი გამოცემა მისის და მღვდელს და ივანობისთვის ზირველ რიცხვებში დაურთავებს ხელის მომწერლებს.

— 22-26 მასხმდის თბილისში მართავს წარმოდგენებს მისკოველი Cabaret „ლეტუჩია მიშ“ (მელანურა). დასში ერთ საუკეთესო მსახიობ ქალთა ითვლება ჩვენი თანამემამულე ნინო მესხიაშვილის ასული ვლ. ალექსი-მეხნიაშვილის უმფროსი ქალი.

— უფროსი გაზეთების კანტორა „იმერეთის“ გამკე ის. კვირარაძეს ზოფინციამ უკვე დაუბრუნა თანხარში სტენისურთ კომიტეტების მიერ დაკავებული აკაკის ნაწერების 2 ტომი, რომლიდანაც ქუთაისის სალქო სასამართლს დადგენილებით ამოტყეს ავტორის ახალი ზოემა „ფორტნოვი და მისი დრო“ 64 გვერდი.

გამომცემელი ამ ამოტყრალი ზოემის მაგიერ ბეჭდავს ამ წიგნში აკაკის სხვა ნაწერებს და ამ თვეში გამოუშვებს გასაყიდათ და ხელის მომწერლების დასარიგებლად.

— თლივერ უარდრდების მიერ დაარსებულ ბიბლიოტეკაში უკვე გაეზავნა ისიღორე კვირარაძემ რაღენიმე თუმის წიგნი.

— უსახსრობის გამო დაიშალა ქუთაისის მსახიობის მსახიობობა.

ბოდიშს ვისდით რომ ზირველ ნომერში განცხადებების დაბეჭდა ვერ მოვასწარათ.

რედაქცია კისრულობს პასუხი მისცეს მსურველთ ლიტერატურულ, ხელოვნურ და კრიტიკულ საკითხებზე. ვინც საპასუხოთ მარკებს არ წარმოადგენს პასუხი ჟურნალში დაიბეჭდება.

ჟურნალში რეცენზიის მოთავსებისათვის გამოცემლებმა უნდა გამოგზავნონ ორ-ორი ეკზემპლიარი თავის გამოცემისა.

ჩვენი ფოსტა.

არ დაიბეჭდება: ლამის ჰიმნი, ოცნების ნავი, გამოირიყულნი, მიჰქრის ჟამი, გაზაფხული (კ. ა — ძის), მე წინ ვისწრაფვი, გრდემლის ცრემლები, მერცხალი, მწარე ფიქრები, გაზაფხულა (ა. მ — ილიანის), სატროფოს საფლავზე, ბნელ ღამეში, ჩემი ცრემლები, ოცნების მხარეს (გ — ელის)...

არ დაიბეჭდება აგრეთვე კორესპონდენტები სამტრედიიდან, ქიათურიდან, ფოთიდან, შორაპნიდან და სხვა.

ვისაც არ სურს პასუხი ფოსტით მიიღოს უნდა მოგვაწოდოს წერილთან ერთად საპასუხო მარკები.

შ ი ნ ა ა რ ს ი:

რუსთაველის სურათი.
ღექსები: ს. აბაშელის, ვ. რუხაძის, იასამანის, გ. ტაბიძის, კ. აბაშის — ელის.
ტ. ტაბიძე — კოლხიდაში.
ს. კლდიაშვილი — იყავით მარტო.
ღეო ქიაჩელი — ვაი რომ მართალია.
შალვა დადიანი — ტყვე.
ორი სიტყვა — რედაქციისა.
შ. რუსთაველი.
ექსკურსია „თანამედროვე საქართველო“.
რა მოგვცა ღეონ ტოლსტოიმ.
გონაკო ორტა ქუთაისში.
ქრონიკა, რედაქციისაგან,
ფოსტა და სხვა.

რედაქტორ-გამომცემილი. ბ. ჯიანი.